

崇禎

白王華集

二十三

皇華集卷之四十四編目

天啓六年丙寅頒 皇太子誕生詔使一

正翰林院編修姜曰廣

副工科給事中王夢尹

遠接使領中樞府事兼吏曹判書金 湜

卷下 中 歐 執 事 兼 吏 曹 洪 善 金 題

福壽中王

五神木天龍針等白鹿

天智六年丙寅秋
皇太子親坐時

皇華集卷之四十四 目錄

序

今 皇帝卽位五年天啓乙丑冬賀節陪臣在北
京馳啓言今年十月 皇長子生 帝命頒詔天
下其使本國者曰翰林院編修姜公工科給事中
王公將以十二月辭朝明春過海云我 殿下會
諸臣若曰 聖天子儲宮久虛天下延頸而待矣
今天錫以元嗣此大慶也不穀外臣也而 詔諭
錫賚視于內服此異數也翰林邇列給事諍官也
而涉萬里危險布德音於重溟之外此大榮也不
穀限於疆守不能以身奔走於執玉之列不穀之

所可自盡者惟在於欽 皇命敬使華揚大慶侈
異數而已爾諸臣其簡乃僚率事惟謹曰金塗爾
方主文柄爾其遠接于境上曰廷龜爾屢經館職
儼事惟爾欽哉羣臣承 命罔不精白以待至今
年六月兩先生來頒詔勅綵幣我 殿下方在私
憂而以 皇命也具法服迓于郊旣加恩宥罪增
秩開科日詣館禮享惟謹兩先生禮容之盛我
殿下誠敬之篤誠千載一遇也兩先生禮成未浹
旬翩然而返我 殿下感 皇恩而罔以報欽使
華而不能忘容音日遠無以自慰則謂仙輶雖不

可畱所畱者文章也遂命裒集詩文爲一帙付書
局鋟之梓因命臣序之臣竊惟文章經國之大
業不朽之盛事古之作者其人與骨皆已朽矣而
遺風餘響尚足以曠世興感何況親逢文治之盛
際得遇大雅之君子乎大明中天文運勃興宏
儒碩士迭主齊盟或雄鳴館閣或高視騷壇彬彬
之盛直與三代而比隆兩先生以光岳之清英當
氣化之融昌或左右論思或朝夕補拾地分清切
風猷顯重今乃輟講筵虛諫席而來頒慶詔斯
豈非海外偏邦之幸歟臣旣忝承館任幸獲周旋

於門館之下且以老退之筆間嘗竊吹於樽俎之間伏覩兩先生之詩清麗雅緊各有其態而大都絕摹擬洗蹊逕初不似經意而覽之淵然色誦之鏗然聲往往初日芙蓉令人奪目况長篇冲澹得陶謝之趣大律森嚴有少陵之致記叙之文核而暢其西京之遺乎辭賦之作奇而蔚其楚國之餘乎斯可謂左右俱宜愈出愈奇也然此特其餘事耳兩先生以清雅之標峻整之儀望之如景星威鳳卽之如冰壺霽月接賓筵和氣春風臨取予義色秋霜真所謂樂只君子邦家之光也其飭躬之

簡束下之嚴旣如是故始至也西民擁路而抃將
還也都人攀車而泣或立石以頌其德苟非清芬
厚澤入人者深烏能使人心悅誠服至於此哉昔
宋呂丞相端因契丹路梗浮海至麗遇風檣折恬
然讀書宣布撫定忠義服遠東人至今稱誦不衰
今兩先生規劃處置誠可以匹休於呂公而呂公
皇華之什泯然不傳麗朝之文獻無徵可爲千古
之恨宜乎我 殿下之愛重是編必欲壽其傳也
仍念蠢茲小酋尚稽天誅遼路阻絕海波窵遠凡
有籲呼不得以時兩先生以 天子近侍之臣親

見軍民情獎軫恤撫綏之意屢形於周爰咨諏之
時觸物興懷宣上德而達下情者是實皇華大夫
之職其必歸奏明庭以備風謠之採而精神流注
萬里咫尺太和塊軋妖氛淨息平胡偉績指日可
期然則是編也非但膾炙於下邦將見續之風雅
賡之喜起直與魯泮獻馘之頌舜階干羽之舞並
載於絃歌而 聖天子柔遠戡亂之烈我 殿下
享上敵愾之忠炳耀於天下後世豈不休哉何幸
身親見之天啓六年丙寅秋七月上澣輔國崇祿
大夫領中樞府事兼禮曹判書知書筵春秋館事

臣李廷龜謹序

Blank manuscript area with vertical lines.

皇華集卷之四十四

吊箕子賦

夫何夫子之僻居此今抑鬱其誰侶思九州之博大
兮豈莫容而遠舉扈離芷以爲佩兮斟沆瀣以爲醕
監四方其索毗今誰聘美而釋女寧引絕於故都今
竊忖先生之裏緒聊陳詞以上薦今代幽悰之訴語
曰惟時俗之曲昧今予獨此時乎遇處夫孰方員之
能周今孰異道而不齟齬予練要以秉常今胡今人
之反厥心賤胡繩於蕢菜今竇蜺轉以爲琛萃周狗
之嗷嗷今媚狐又居中以善淫倂規矩而改錯今曾

不聞烈祖之徽音樂舞嚶嫺以流漫兮珍奇充牣於
積歛瑤其臺而瓊其室兮胡爲乎酒池與肉林華有
本而必踵兮辟罔稅而不深維杯箸之的皪兮吾已
怵怵其有今何昔日之蕙茝兮忽化而爲艾也愾軒
於之髡髮兮又憂然而益之害也天震霽以硠礚兮
輶爾載於焦原之途幅僕捐而不顧兮復靽雪而馳
驅抑若大水之罔津涯兮少師曾有言而疾呼彼辛
甲與梅伯兮苦調亦出於深忤諒予情之得已兮敢
抗爽以詖誣嗟黎人之博夜兮固自召夫征誅若颺
颺之將至今倪搖搖於高榆祖伊勦勦其奔告兮曰

我生有命其罔虞夫孰不篤忱而帝棐今夫孰不懷
美而民孚氓索路以摘埴兮曾糟莩之曠枯何靈修
之明敏兮蹟趑迢其育徂揚炤錯之挂微兮君曾不
肯乎少闕調五味以蠶薦兮君又吐之爲蓼荼罔反
道而察悅兮不與荼而辭盧惟予雄之振振兮日執
彊以服汙播蒲稽之赤臭兮哀民生之無辜排閭闔
兮抨天鼓訴民生兮毒太苦雲霏霏兮道長阻目渺
渺兮顧西土就左右而延訪兮吾將求吾之皇祖祖
申申其詈予兮怨予厥初之失輔昔嗣王不順於阿
衡兮究亦墜於允臧吾拜阿衡以爲師兮尹告予

以諫匡予情急而氣竭兮恐導言之不長指皇天以
爲正兮復申之以先王怨君心之浩蕩兮羌獨有夫
肺腸卷婁不避德於慕蟻兮縱生不棄羶於其羊彼
夏罪之多參兮物備亦摯夫成湯惟乃功之自絕兮
究亦用戮於爾邦貔虎齧齧其牙歟兮噉鷹睥立而
欲揚及行迷之未遠兮庶其來卽我詳咨妒嫫之謠
詠兮樂糝又謂予以不祥日僂舌於閉抵兮我其菀
懣以無知翹予美之琅瑤兮又非予心之所期乍前
却以遭迴兮漭不知其所之旣懷情而不發兮焉能
碌碌其載尸流泉汨碎以淪胥兮勉遠逝而無疑將

褰裳而戒僕兮予又冒結而莫之捨也予固知蹇蹇
之譏曩兮予蘊憤而不能已也惟修業不息版今瞬
目君之得路何專專其不可化兮省在予之未固恩
不深而易絕兮倏嫌移以改度自鄙人之不度今固
宜赤赫而遭怒曰改行其與好兮寧溘歿而踽踽抱
鳴琴於河干兮思投河伯以爲伍慨一歿其何難今
又恐君明之有傷荃不察夫予心兮職競適以披猖
夫其顛隳之不救兮予又安用此冠裳世旣不可以
莊語兮予且遏浪以徜徉惟天王之明聖兮謂予病
瞽其真狂不吾知其亦已兮苟自靖以信芳哀吾生

之無樂兮幽獨處乎園房含悲怨以忍死兮封情思
以待光何長夜之漫漫今日杲杲其不陽箕文隕命
於風沙兮龍逢以履癸而劉戕前修自昔其已然兮
斯今何怨乎有商痛少師之干言兮血凝碧於髑髏
惟大命之孔棘兮予又敢避其拘瘡但蒙羞而被好
今固吾心之所求苟宗社之阨屋兮臣罪奚但其應
囚君棄遠而不察兮雖願忠其末由望九閭鬱其帶
薛兮終不敢忘君之頽憂步庭階以叫號兮倚棘扉
而涕流知煢煢之難救藥兮嗟祖宗乎其何尤勸君
悔其未早兮令君德之慳厥修負先王於九原兮長

噉啖以噍啁悼鯢居而鮒入兮恐見國門之躡蹠酒
帶醒而尚宿兮兵指宮以來蠹紛總總其竭迎兮徹
地裂而天覆望鹿臺之燎揚兮痛君自嬰乎大戮義
不可以有二兮我罔爲乎臣僕縱殺身其何益兮彼
義士尚含斷於孤竹毛澤殫其土有兮薇亦非吾之
所服撫四牡之項領兮哀靡騁之感感勉升降以鬼
臬兮求此身之跟宿或告予以有土兮壅隔水之一
方苟吾義之獲全兮雖騁驚其何傷乘景山以晞遠
兮路默闇以淅茫去中國之悠悠兮依海山以流亡
佇軫纚而反顧兮心勺灤其潰洸襲五化之神龍兮

潛懷珍以遠藏予暮濯纓於崑崙今朝挂弓於扶桑
八約載以清淨兮芳菲菲其彌章思降福之孔夷兮
亦莫敢不來王馬蹇邈而徘徊兮遊子悲切乎故鄉
覩禾黍之油油兮恨狡童之無良歸鳥號而索哺兮
見空巢之荒涼故國不可以久畱兮僕夫告予以公
裝瞻日月之西逝兮鴈翹翹其侶翔狐狸知乎故穴
兮牛馬亦戀乎故場哀吾命之獨窮兮終寥廓乎海
荒已矣其不可追兮徒忡鬱以念窮蒼倘箕尾可得
而騎兮吾將從先王於雲房亂曰思君兮君不可化
君不知兮可奈何山有阿兮海有沱君之悃德兮罔

極則那羞改質兮懷二矢之遯兮靡他出不辭兮往
不返悲莫悲兮去故畿路漫漫兮修阻魂冉冉兮難
歸聽吾言兮心莫違乘白馬兮其來依願先生之一
笑而去兮周家事業久已非欽差正使翰林院編修
南州後學姜曰廣頓首拜

次韻 領中樞府事兼吏曹判書金 塗

屈宋之後世無騷班張之後世無賦 明
興李何諸子始彬彬振古而闕衍巨麗之
體猶未大備至盧次楨王元美出而後騷
賦頓復舊觀不佞常讀而歆艷竊意中華

之大必有繼而作者顧海外僻遠未之聞也茲者伏蒙正使大人出示吊箕子賦一篇亡論詞旨醇篤足以闡仁聖之微意卽其奇文奧辭錯落臚列雖王盧復作殆欲瞠乎下風矣不佞歎啓寡聞才具凡近不足以追攀步驟顧唱酬之禮不敢闕焉謹依韻和呈以請斤教撫掌覆瓿之誚固所難避其詞曰

藐台濩落乎寰中兮悵介特而無侶緬往詰之逸軌兮思矯翼而偕舉歷九州而想其人兮羞余有

今齧余醕慨絕響之久湮今誰哉倡予而和女經
沮陽之舊墟今竊慕元聖之遺緒陟降之不可知
今叅帝居今共天語宇宙旣均式于大法今矧茲
夫子之攸處溯流風之綿邈今中鬱曲而齟齬昔
夫子信修而服義今秉烈祖之淵心集芳潔以紉
佩今操道術而爲之琛欲薦美于宗祊今顧獨遭
世之昏淫皇天之不純命今獨夫不改其臯音背
周道之孔夷今遵九折之崎嶇芟蘭蕙以蘊崇今
植叢棘之林林天乙之克享天今帝眷命之日深
繼賢聖之六七今而商祚式至于今鑑非遠而在

夏兮胡今人之莫之艾妹也之爲妖爲蠱兮曾不
寤茲之凶害輪摧而輿什兮覆樂出乎是途旣無
戒於顛越兮又冥行而疾驅脯爲林而酒爲池兮
千人飲而萬人呼咨親懿與格人兮舉痠心而殷
忤謨言之孔訐兮君反以爲怪誣彼少師之法語
今夫豈罔念乎嬰誅哀邦命之綴綴兮譬頽晷之
迫桑榆豈余躬之足卹兮君庶遄乎自虞王子之
出廸兮謹余詔之中孚相顛木之有蘖兮無寧愈
勝乎萎枯喟余心之眷眷兮將舍此而焉徂天旣
集命于西鄰兮日觀兵以東闕夫孰遠薰而卽蕝

今况吐飴而茹荼膏肓之不可爲今又何賴於俞
盧余寧蒙難而降志兮甘自淪於卑汚獨泯默以
沉痛兮背膺牂若驅辜衆蚩蚩而朋淫兮疇復察
余之危苦屬明神以聽直兮指皇天與后土諒天
廢之不可支兮聊以自獻于吾祖仁人胥而流亡
兮余有志其誰輔函糞土而不辭兮孰清激其否
臧固臣罪之當戮兮寧止乎臣下之不匡歟西師
之逾河兮哀殷命之不久彼膚敏之濟濟兮爭祿
將于新王顧余忱之不可化兮恒耿著乎衷腸食
薇之太隘兮所不忍乎牽羊唯九疇之大範兮道

無間於禹湯牖斯民於萬代兮匪余獨詔乎周邦
聊申申以敷告兮謦身抑而道揚並彖繇以表裏
今余蓋言之已詳閔彝倫而密若今天其以余爲
不祥西伯旣已沒兮世無人其我知鷹揚之非我
伍今玉馬又非余所期瞻四海以感感兮獨鬱邑
而安之睠東表之有土兮非職方之攸尸余旣有
成言於王子兮詎今日而狐疑詰人之遂志兮夫
豈一槩乎趨捨知不可以我繫兮孰此行之可已
遐哉東海之洋洋兮戒余轄而卽路夷之陋尚可
居兮信吾德之貞固布八條之優優兮漸摩以哲

王之軌度氓欣欣於振德兮載色笑而匪怒混殊
俗以塊處兮嗟余行之踽踽商丘邈其離絕兮干
與梅兮鬼爲伍悵殷墟之麥秀兮獨忍淚而增傷
諒天命之有廢興兮又何恨狡童之披猖東民之
涵聖化兮易介鱗以衣裳飫忠信而服禮義兮遵
正路而徜徉啓我蒙而導我迷兮又能已我之癘
狂滌羶而辟蠱兮爰薰襲乎芬芳去巢櫓與穴窟
兮俾我寧處乎堂房君師而父母兮澤遠而道光
距今茲幾千祀兮儼祠廟之孔陽瞻墓門之松栢
兮豈蕘牧之或戕綿血食於海隅兮足以迓續乎

殷商唉人世之迫隘兮竟同歸於枯骸本非榮於
尊顯兮又奚辱於牢瘼夫惟致命而善道兮羌志
士之攸求湯文之明德兮尚不免乎幽囚士有志
而直遂兮塗有輟而共由求仁得仁而何怨兮樂
天知命而不憂讀明夷而諷軼詩兮渙余涕之橫
流天旣奪鑒於頑嚚兮彼廉來又何尤有翰林之
主人兮紛獨慕此姱修鳴謨韶之要眇兮息淫哇
之嘲啁汎詞源而沿泝兮窮藝圃而驚蹂噉帝
命而使東藩兮愆玉節之轟轟訪遺風於故都兮
感天道之培覆姬何爲而篤祐兮子何爲而降戮

顧仁聖之秉義兮矢靡詘於臣僕生旣不憚於狴
犴兮沒亦匪願乎汗竹甘埋聲而穢迹兮長自屏
於荒服道不窮於喪亡兮志愈貞於危蹙摛昌辭
而弔古今撫千載猶隔宿夫子之神儼若在今洋
洋乎上下與四方左微干而右墨台兮聊相於兮
不永傷安得乘雲而御風兮出入八荒兮窮眇茫肅
羣聖之精靈兮訪三統之興亡樂浪之山兮峙巖
巖樂浪之水兮流洸洸莽蒼兮丘井之墟嵴嶮兮
衣冠之蔽士不惰於絃誦兮氓樂業於耕桑聖人
之化與天通兮諒彌久而彌章湯武兮同一聖殷

周兮同一王烝民兮同一性四海兮同一鄉三代
之所以直道兮知與能兮皆良縱敵邦之處僻兮
豈民德之或涼願君子之莫我違兮毋遽趣乎歸
裝仰聖範而極研兮延俊髦以徊翔杼雲夢之巨
麗兮騰茂實於詞場鋪張華夏之文明兮慶衣被
於偏荒挹鴻藻而三復兮覩光色之淵蒼擬蕙華
而並美兮長榮苑於都房亂曰握瑜兮懷瑾天方
蹶兮謂何靡君兮終不昭雖願忠兮可那隳余飾
兮辱余身心斷斷兮無他離離兮永黍鬱鬱兮邦
畿違故國兮適殊方現有招兮無歸毫社兮旣亡

宗周威兮疇依耿此心兮獨不死千秋萬歲兮無
是非

登蓬萊閣

姜曰廣

平生浪美蓬萊閣今日真成汗漫遊天樹曉懸龍燭
影蜃樓春滿鳳麟洲煙橫一水兼天合浪擁雙城拔
地浮自是神仙能好客併將俗子到丹丘

奉 詔夜行

王夢尹

一封宸翰下層霄慶衍前星布海徼夾路笙歌迎夜
月滿城燈火映春幬風生新柳寒猶冽馬歷長途嘶
轉驕遙憶紫微青瑣署今宵誰侍 聖明朝

渡海

姜曰廣

萬年天子赫英聲
胤錫麟祥蚤歲呈
玉節星馳流電繞
波臣海晏効河清
扶桑旭暎中天朗
鮫室光浮午夜明
已許書生成壯志
坐看牛斗一槎橫

清河

今

上登黃

其二

丹鳳傳來霄漢翔
錦袍不脫跨飛鰲
潮懸日月霓旌穩
氣肅蛟龍玉節高
萬里關河移斗極
兩人笑語壯洪濤
顧瞻蜃市纏妖氣
肘後西風響佩刀

王夢尹

錦帆曉發棹歌聲
旭日初暉海上呈
半壁插天青嶼落
中流擊楫碧波清
風恬獅石潮音細
霞護鸞章瑞靄明
並泛仙槎凌斗極
相將一笑過田橫

其二

我來非覓金銀闕
仗節乘風試斷鰲
桂楫蘭舟雙鷁渡
秦橋漢柱五雲高
珠翻乳竇噴瓊屑
響奏仙璫出碧濤
回首榆關千里月
霜鋒吼處有虔刀

僊人篇

海上有仙人
軒舉遊寥廓
冰雪如肌膚
翩翩綽以約
芝蓋繚祥鸞
霓車驟白鶴
朝登紫府臺
夕宿青丘閣

歸路上鴻天五香芬兩躋絳闕鬱岩嶢九關開寶鑰
列缺曳衣裳河漢撲眉落金鵝葉可餐玄霜液爲酌
玉女笑投壺箕斗光雜錯金母與木公相揖虛無幕
流覽八極中終古瞥飛雀浩渺嘆蜉蝣營營何自縛

空碧樓

廟島新建

危樓新構碧雲頭襟海環山四望幽啓牖曉來晴曙
滿捲簾時帶冥煙流平隄遠巘分仍合好鳥驚濤沉
復浮一葉扁舟三弄笛渾疑槎泛廣寒遊

伏蒙出示沿途諸什不敢逐篇攀和謹次渡

海韻一首濫塵清鑑仰希斤教云

金塗

元良新慶溢歡聲華渚流虹瑞彩呈銀漢二星辭
北極琅函一札下西清鯨波浴日相吞吐鰲岫浮
天半滅明忽報仙槎臨析木東來紫氣望中橫

右和

正使

鵬翼搏風萬里翔曾從玉海掣金鰲瑤墀珥筆青
冥逼樂府翻詞白雪高芝檢乍擎辭鳳闕雲帆直
掛截鯨濤遼天半入腥膻窟獨夜雄心看寶刀

右和

副使

林畔道中

姜曰廣

玉節遙臨漢使臣歡呼夾道擁鮮民身依日月傳元
化手挽滄溟濯客塵萬谷風迴花氣亂千山雲去曙
光新卽看箕籙昇平色皇極中天四海春

次韻

金堃

帝降絲綸輟從臣湛恩偏及海邦民霜排畫戟森
迎節日映猩袍迥拂塵甲觀休祥傳自古皇家
景命屬維新鰕生亦與嵩呼列但祝堯齡一萬春

宿林畔有感

王夢尹

壺漿絡繹薦雕盤高館棲遲夜色闌花氣畱春侵座
馥松濤吼月透櫺寒千年礪帶河山壯一統華夷天

地寬按籍無端懷鴨水中宵不禁髮衝冠

次韻

金 湜

水勢逶迤山屈盤青雲高興未應闌談霏玉屑神
全爽氣徹冰壺夏亦寒禮數屢陪賓館會獻酬寧
怕酒杯寬微蹤自恨登龍晚華髮飄蕭已滿冠

齊山亭

姜曰廣

一榭凌空出千山競與齊簾浮青靄重戶壓白雲低
危石松扶穩殘花草帶棲客心隨地遠人語隔煙迷
拂筥尋新徑揮塵看舊題慙慙煩好鳥着意傍筵啼

次韻

金 湜

小亭開地奧危檻與雲齊座挹前峰秀窻臨亂樹
低王程收勝賞官閣當幽棲關海身俱遠風煙望
轉迷陋邦傳古事仙客賁新題最是畱人處林鶯
恰恰啼

過金孝女故里

王夢尹

殊方士女識天倫純孝真堪動鬼神環珮月明何處
去空傳梓里仰芳塵

次韻

金 湜

憐渠一女保彝倫冥感回天捷有神男子幾人能
盡孝千秋彤管愧遺塵

新安館迎 詔張宴

王夢尹

冠蓋紛紛逐隊來
雲屯星燦勢奔雷
旌旗掩映風雲合
劒履趨蹌甲仗開
遙捧絲綸迎扞舞
宏張玳瑁度流杯
勸酬此日隆嘉會
禮樂殊方有曲臺

次韻

金 湜

藩邦爭覩鳳凰來
瞻拜楓宸慶洊雷
虎士分行緹騎擁
伶官按部綺筵開
袍明瑞錦圍紅燭
禮宰肥牲侑玉杯
聖世卽今家四海
不須頻上望鄉臺

渡大定江

王夢尹

芙蓉夾岸數峰青
黛玉光浮鷗鷺汀
日破浪花翻白

蕭僊帆飛渡控江亭

次韻

金 湜

一水橫流羅帶青
帆檣簇簇擁沙汀
博陵東畔天連野
遙望長亭接短亭

登百祥樓

王夢尹

野色嵐光四望賒
凭欄遙見萬人家
鷗沙縈帶明江練
鳳翥垂紳拂岫霞
坐擁卿雲來棟角
行沾瑞靄上簷牙
樓頭極目燕山闕
王氣寵從貫斗華

次韻

金 湜

一上危樓眺望賒
綠楊枝外盡漁家
潮聲駸地連

滄海岳色浮空帶晚霞原隰有程催急傳江山引
興駐高牙餘歡且待西轅日須把清樽領物華

安興道上

姜曰廣

拜捧天書下異方繡袍猶帶御爐香三千客路琴
書壯六百遺圖帶礪長海氣連雲迎劒珮風花傍馬
引旂常懸看丹鳳飛來後瑞靄時凝白岳傍

次韻

金 塗

旌旆東臨此一方箕封已識令君香地窮溟海青
蕪盡城繚岡巒粉堞長夾路人民咸快覩自天恩
渥更非常應知日下思歸處縹緲彤雲帝座傍

過嘉山嶺紀懷

王夢尹

幽壑清風拂劒鐔攀蘿踏破幾煙嵐
千山環拱辰居北四海同瞻離照南
觸石朝霏雲乍合濯枝夕潤雨初酣
駉駉靡及懷周道問俗西門諱語謫

次韻

金 湜

尖山如劒露鋒鐔向晚微風捲翠嵐
星斗仰攀天咫尺青徐遙指海西南
百年壯志輕長路千首新詩倚半酣
牛鐔幸容調樂律何由促席細謫謫

箕子墓

姜曰廣

王子高墳東海濱野田芳草四時新
一杯雨暗周京

淚萬古風生陸海塵絕域春原仍秀麥祠間歲祀尚
羞蘋應憐舊國魂難住故故飛花逐漢臣

次韻

金 湜

東來立國涓江濱能使偏荒舊俗新千里封疆猶
禮樂七王宗社已灰塵廟宮肅穆瞻松柏祀典蠲
涓薦芷蘋莫道丘原長寂寞贊襄今幸見詞臣

泛大同江

王夢尹

平壤天開劃大江練光浮碧裊霞幢蠶頭東望依沙
渚鳳尾西來賁海邦夾岸鶯飛聲嚦嚦中流鷁渡影
雙雙澄波遠借瀟湘色一曲猶堪倒玉缸

次韻

金 湜

宴罷高樓泛碧江，畫船簫鼓擁朱幢。
百年勝事還今日，四海風流卽此邦。
天濶歸帆時見一，渚清飛鷺自成雙。
淹留莫道行程晚，乘興惟須盡酒缸。

弔愍忠壇東征將士

王夢尹

昨日戰城西，今日戰城北。
城門夜半風雨聲，埤堦微茫天地黑。
黑島夷開門借一攻，頭顱落處寶刀雄。
城中梟獍牙猶礪，城外烏鳶腹已充。
歸來捲土夷奴走，屬國君臣笑飲酒。
赤囊一日奏長楊，將軍肘後金如斗。
惟有蔓草寒煙白，骨枯至今燐火飛。
淵藪君不見，東

漢元勲馬伏波褁革爲家氣若何壯士有身思報主
恐令螻蟻啄橫戈

其二

絕島鼓鼙喧樓船渡虎賁三軍爭破釜七載始還轅
海外重開國師中未返魂青苔生白骨山月幾黃昏

其三

天兵下海門戰血海波渾萬里春閨夢三秋夜月魂
忠肝神鬼泣浩氣古今存男子榮名立浮生那復論

次韻

金堊

何處求毅魄荒原淚江北至今天陰聞鬼哭螢燐

時時閃昏黑可憐山東健兒慣戰攻摩壘意氣矜
豪雄直期名姓麒麟上肯惜肝腦溝渠充天王
威武雷電走漢軍笳鼓行牛酒愍忠有壇崗有塚
冤氣不復干星斗箕城之民咸爾德邑屋重開狐
兔藪君不見鑿坡學士航海波吊古寂寞悲山河
新詞喚起土中靈髣髴犀甲橫吳戈
萬馬不聞喧三軍皆黜賁只知爭死敵寧復念回
轅地古埋荒骨天陰泣旅魂野壇香火冷松栢自
朝昏

慘愴塞西門至今兵氣渾川原曾漲血關海未歸

魂功豈麒麟許名非竹帛存平生壯夫志埋沒竟誰論

平壤弔古戲效李長吉體

姜曰廣

煙老濕山山積憂日瘦淡淡慘欲收苔草陰坼延古
意虫響吟根寒不浮井田梗莽紛狐兔頽垣鳥雀聲
啾啾天荒地懶春無主城下沮江空自流麒麟一去
何時返練光望斷飛龍秋四顧江山思寂寥黑松深
處忽樵唱青繩斷絕晝沉沉昔時宮殿今塵埃可憐
歌舞併成塵嘆息未了風吹斷樵父指點譯模糊蛇
龍得失拋公案日落鵲啼噴血忙幽壙嗶嗶相凌亂

老狸號起地中人夜半白骨出相語煙裏聞聲細濛
濛陰風莫吹舊塵去怨結重泉淚不滅滴盡斷碑殘
礎泐陰房露冷鬼燈昏空山雲閉月影黑天雞千年
叫不白愁魂填迷招不得

次韻

金 湜

夸娥力敵愚公憂海底三山拋不收析木東躔照
樂浪支祈掣鎖高城浮蒼麟夜去蹴扶桑側耳醺
瓮蚊吟啾錦繡爲山綻不縫能令沮水西南流南
湖女兒歌玉樹松柏作薪芙蓉秋麻姑兩鬢蘆花
色翁仲笑答銅仙唱丹青繡出李總戎虎睛炯炯

射空塊蠻兒三窟填瓦礫龍泉斫江江未斷精靈
黯黯叫不醒白日鼯鼠齧香案黃昏簷鐸中帝鬼
雨濕坑壕燐墮亂城中春酒數百斛明月人家絃
管語不須舉杯澆荒隴英雄陳迹泥鴻去北山斲
榔榔已毀漢水沉碑碑亦泐八條遺教化氓俗日
星東方開昏黑鐵犁耕破井字訛往往血鏃田中
得

平壤泛舟卽事

王夢尹

錦綉山頭雲大同江中水飛飛飄繡帆瀾瀾沾綦履
東溟銀榜闢北闕金雞起極目扶桑瞰勞心上國墮

綏懷自怡翔咨諏無窮已列子御風清老聃冲氣紫
旂旄來日邊鼓吹沸江沚童叟競扶觀天威儼咫尺

次韻

金堊

依依江邊柳浩浩江之水畫舫勅歌舞雲橋便步
履杯行任獻酬禮寬忘拜起輝煌獸錦袍渙渥金
泥璽承歡愧無自飽德心何已風恬浪花息山夕
霞綺紫貪程戒畱連回棹傍洲沚真仙即在茲始
覺去天咫

登浮碧樓

王夢尹

江干樓閣倚層空把臂登臨興不窮幾樹雲飛綾島

外千家煙鎖郡城中談深玉麈天花落酒滿金卮霞
氣融暫息風塵舒笑傲明朝車馬又匆匆

次韻

金 湜

碧簷朱戟勢浮空地豁東南望欲窮極浦遙連滄
海口亂峰多在夕陽中雷轟疊鼓驚河伯風透疎
櫺屏祝融且對清樽消客恨不堪原隰太匆匆

練光亭

王夢尹

遠樹千帆出孤亭四照開德巖屹如柱江水漫成雷
其二

亭下水澄澄亭中雲片片水雲兩蕩搖宛若吳門練

次韻

金堃

畫閣憑虛迥，湘簾面水開。
醉來揮綵筆，紙上走風雷。

手持藥玉船，細分流霞片。
天際水如煙，城邊江似練。

登浮碧樓

姜曰廣

長嘯巍樓客，思豪淚江樓。
看去滔滔春風石，度麒麟
下秋日山闌，錦繡高登眺。
幾人窮海外，古今此會有
吾曹請觀座上新詩罷，溟渤先秋已壯濤。

次韻

金堃

四海文章一世豪登臨還復興滔滔朱欄切漢星
辰大碧磴凌雲步武高地從山河供壯觀天畱風
月餉仙曹他時勝迹惟佳什長見詞源捲峽濤

平壤感平倭遺事

王夢尹

神宗皇帝歌雍勺萬國梯航受戎索威德遙加日出
鄉玄菟樂浪安耕鑿一朝盜寇簞狂瀾盖海鯨鯢白
日寒魚服十萬舟如電頓令狼燧滿三韓神宗按
劍赫斯怒推轂將軍如闕虎羽林一夜度龍城淚水
蔥山晝伐鼓伐鼓縱金勢欲吞軍聲震疊老龍奔左
手渠魁右馘訊洗刀青海海風昏胡歌聲罷見明月

賜谷九跳陣雲沒歸朝屬國起歌鍾捷書飛入承明
闕祇令遼左建夷驚臣子封疆恨未平君臣須識餘
生在負弩從征報 聖明

次韻

金 湜

有手不須挹翠勺有耳不須聆絃索使華新詞動
哀玉讀之爽然醒六鑿淚水悲風生夕瀾憑闌拔
劒天爲寒憶昨島夷肆猖獗射天不得讐東韓山
河帶羞鬼神怒百年禮樂陷豺虎 帝命桓桓李
將軍王師十萬闐金鼓 皇威直欲溟渤吞勢成
破竹鯨鯢奔三京舊物次第收疆域靜掃腥塵昏

平沙萬幕懸漢月陣前森索妖星沒藩邦再造蒙
帝力臣民稽顙拱北闕況今遼塞戎馬驚諸將扼
腕思蕩平我王敵愾圖報效天日定照丹衷明

平壤故城

王夢尹

莫問前朝事寒煙鎖舊都江流斜日碎山入遠天無
王伯千秋盡乾坤一鴈孤空餘憑弔意風雨暗遙途

次韻

金湜

鍵閉西戎地繁華古國都東明基獨在楊僕迹全
無萬事長江逝荒城片月孤人生誰久視冉冉老
征途

箕子墓

王夢尹

月照疎林涓水濱忠魂千載氣如新
九疇不克綿商祚孤塚猶思化漢塵
君自成仁光竹簡我來慕義薦溪蘋
遙憐往事恣憑弔日暮寒鴉歎世臣

次韻

金涇

遺墳寂寞枕崖濱松梓千秋敬益新
東轍已知天衛道流風直指海揚塵
祠官具禮陳觴豆舊俗懷仁奠藻蘋
被髮受封皆自靖此心終是同爲臣

生陽館喜雨

姜曰廣

征途方憚暑好雨忽過軒時降知天意
遙來戴聖

恩併將東國喜能益北窓尊高卧渾忘起深燈負酒樽

次韻

金 湜

長路愁衝熱甘霖喜逐軒纔成半餉睡却荷一涼
恩堰決溝聲急煙開嶽勢尊疎櫺來爽氣客興集
清樽

登太虛樓

姜曰廣

樓連埤堦聳千尋高捲珠簾色色侵煙帶疎松閒鶴
夢風生弱柳蕩荷陰題名不改高賢蹟

樓舊名廣遠予鄉先達魏

莊靖公易以今名

懷古徒慚景行心日暮蟬聲何處急滿天

清籟碧雲深

次韻

金 湜

樓去雲霄定幾尋
西山爽氣坐來侵
圓荷出水軟
青蓋老樹連牆長
綠陰物色幾經題
品手登臨不
盡古今心
人間俯仰成陳迹
壁上紗籠歲月深

登廣遠樓

王夢尹

乘興朝登廣遠樓
倚欄一望小黃州
蝸居萬井迷煙
樹螺髻千堆過客舟
雲漢舉頭簷外近
山川指掌坐
中收情深不爲耽
幽賞把酒相看賦
綴旒

次韻

金 湜

天地之東有此樓黃岡從古號雄州峴山幸接羊
鄒語洛水欣瞻李郭舟畫角迥吹江月轉緇簾高
捲海雲收絲綸降處懽呼合悅若 楓宸拜冕旒

過棘城古戰場

王夢尹

黑雲垂垂燐火青棘城烏啼不忍聽淒風酸斷白沙
汀草根滴瀝血痕腥當年兵甲奔雷霆如虎如虹擁
將星荆棘叢叢水泠泠秋霜春雨慘冥冥天陰鬼哭
痛飄零息笛空問兵不停鵲印誰懸嚇中庭白骨塵
飛棲夜陘怨魂夜夜趁流螢華表歸來刷羽翎陽谷
日出耀東溟戰爭河如球共寧自古清朝有典刑

次韻

金 湜

雨霽沙磧放虹青
鼉鼙晝噪不堪聽
細泉流恨咽迴汀
風雲慘澹帶餘腥
憶曾鐵騎劇奔霆
刀槍耀雪箭飛星
陰飈掣旗肅泠泠
殺聲落日迴青冥
二十萬兵秋葉零
冤魂千古此畱停
向來烽火息邊庭
折戟遺鏃埋荒陁
鬼語空林露濕螢
鳥飛不下戢翅翎
卽今皇威摠八溟
生民按堵歌時寧
縱有不庭卽天刑

洞僊館望鳳山

王夢尹

洞僊仙子跨鶴飛
雲裏吹笙胡不歸
畱得鳳山千尺

玉來儀人盡仰餘威

其二

檻外來青是鳳山天邊飛舞綠雲鬟
乘槎有客流清眺度曲何人唱雉斑

其三

危亭半落鳳山影鳳翥高騫千仞翔
報道卷阿歌翮翮願言飛去在朝陽

次韻

金 湜

神禽已逐彩雲飛碧落千秋去不歸
今日忽看嚙詔下解教凡鳥識靈威

海中何處是丹山玉削峰巒露髻鬟
聖世卽今

多異瑞來儀佇看九苞斑

靈禽棲在紫庭傍千仞岡頭覽德翔
暫過青丘攀不住五雲僊路接岐陽

發洞僊館過鳳山

姜曰廣

鳳山鳳去已何年我過空餘煙草連
高岫曳旗搖永日長風吹劒立青天
鵬搏六月程同遠槎指三秋客欲仙
昨夜洞中泉響落恍聽簫曲度層巔

次韻

全堃

鳳去山空閱幾年使華高躅更畱連
舊聞舉翮翔

千仞忽見嚙書下九天
梧竹尚餘棲宿地
文章爭覩羽儀仙
從今古邑增靈異
何似岐陽最上巔

宿龍泉館

王夢尹

乘傳數千里
居停朝夕移
歌殘楊柳笛
酒艷葡萄卮
極目羣星拱
舉頭片月垂
清宵不成寐
何以慰相思

次韻

金 塗

漸覺道途遠
頻驚時序移
泉聲到欹枕
山影落深卮
物色奚囊富
行裝越橐垂
卽知延賞地
何日費吟思

蔥秀山卽事

王夢尹

捫蘿樹隕青躡磴苔穿綠霞氣捲龍旌虬厓蔭灌木
山明蝶舞風洞劈泉流玉緩步足清遊奈何車馬促

次韻

金 湔

峽束聳高青川平凝湛綠游魚擲淺沙好鳥鳴深
木石溜亂跳珠巖泉冷漱玉清歡愜幽期不受征
途促

宿平山

王夢尹

停驂來候館明月照幽陂花艷春仍在風清暑半移
啣杯看舊碣彈劒賦新詩何處疎鍾發星輶又戒馳

次韻

金 湔

古閣臨遙野清渠入小陂簷虛空翠滴樹靜夕陰
移枕有江南夢囊收海外詩歸期成晼晚白日莫
西馳

吾助川

王夢尹

蓬壺饒勝地帳殿廠林臯柳外漁歌歇雲中羯鼓搔
午煙凝羽纛泉玉掛楓濤暫駐渾忘倦薰風透錦袍

次韻

金堃

誰能不濯熱午憇卽亭臯境勝魂仍爽程遙首幾
搔削成崖是障淳畜腹無濤正值儒仙至天香散
賜袍

次大平館

王夢尹

華館連雲構亭臺接漢濱多情留信宿雅會集簪紳
清晏流來遠光輪慶復新最憐拱極嶺萬載遶居辰

次韻

金 塗

古郭隨山脊長堧盡海濱公庭儼旌節賓席擁冠
紳紫誥天章煥明離瑞色新東藩偏雨露北極拱
星辰

弔開城廢宮

王夢尹

草蔓苔痕積霧陰故國煙燼燕泥侵當時歌舞人安
在月暗荒臺夜色深

其二

花飛點落道傍春，猶襯羊車煙外塵。
惟有多情雙燕子，曾窺樓閣醉佳人。

其三

浮雲長鎖舊歌臺，登眺無人但綠苔。
夜半松聲天籟發，却疑環珮月中來。

其四

席捲三韓霸業遒，而今城闕半青疇。
長江好是英雄淚，流盡斜陽恨未休。

次韻

金涇

荒城風雨晝沉陰
臺古瞻星草色侵
寂寞山河龍虎氣
顯陵松柏歲年深

草埋香逕幾經春
想見宮車輶綠塵
惟有橐駝橋下水
至今嗚咽送行人

麗王當日有高臺
剝落瑤堦老碧苔
五百年間歌舞地
獨畱明月去還來

國破人亡歲幾遒
寢園春色入荒疇
丘墳半是功名骨
空使麒麟笑不休

宿開城府

姜曰廣

客館深深楊柳遮
朱簾日暎轉高華
三春花鳥如畱

待四海朝廷正一家風度廊長空翠落蟬鳴樹急夕
陽斜夜來莫聽樓頭鴈高剔銀燈照碧紗

次韻

金 湜

高館薰風錦幔遮綠陰黃鳥管年華山川鬱鬱含
千古煙雨濛濛鎖幾家寶誥暫隨星駕住嚴程廻
望斗杓斜樓臺物色新題遍會見虹光透壁紗

碧蹄道中偶成書似金北渚大宰 姜曰廣

山川歷盡到遐方夾道喧迎 御墨香島服衣冠歸
化久 皇圖日月發祥長聲靈播處歡重譯屏翰傳
來紀太常好榦不庭恢故道三韓風靜大江傍

次韻

金 湜

早把文章動四方
偏邦久挹姓名香
冰霜氣肅炎
蒸退雨露恩覃草木長
馬首青山看咫尺
谷中幽鳥聽尋常
雙旌駐處 王京近雲幕高張大道傍

皇華集卷之四十五

天啓六年丙寅頒皇太子誕生詔使二

卷之五

皇華集卷之四十五

至王京卽事兼似金大宰

姜曰廣

金鼓喧喧雜戲嘈香塵擁地拂麟袍扶桑日出聽雞
迴白岳雲開立馬高臣子天涯忻拜舞君王宸極
念勤勞飲冰終愧皇華節浪得名賢贈衮褒

次韻

金堙

鐃笳前路沸啾嘈士女傾都看綉袍鳳詔遙宣芝
檢煥鰲山幻出彩棚高雲霄步武當年事原隰驅
馳此日勞衰劣自慙干氣象一言偏荷過情褒

領中樞府事兼禮曹判書李廷龜

兩隊鄉儼競聒嘈千官夾路引仙袍天開鸞誥祥
雲合曙闢鰲山彩日高萬國謳歌同拜慶一心夷
險敢言勞叨陪門館元非分更荷詞宗片語褒

伏蒙

賜問有飽聞聲華之
教敢於末句鳴謝

頌 詔禮成

姜曰廣

旌旗百道映朝曦濟濟衣冠夾路窺少海波連東海
湧前星光引使星馳綠江白岳傳殷社虎拜嵩呼見
漢儀指顧扶桑添紫氣應知 丹詔出函時

其二

詔出青霄下海荒王臣歡躍鳳飛翔遍歌麟趾休禎

遠遙拜楓宸雨露香
烈祖仁恩深帶礪大邦忠順
領梯航前星彩耀攬槍落共看狼煙淨八方

次韻

金堊

雪霜標格屏炎曦長路追陪得屢窺近侍早承明
主顧殊方已覺盛名馳葱籠瑞靄隨雙節合沓歡
聲塞兩儀萬里藩邦齊華祝聖朝還復勝堯時
雷澤滂洋遍大荒仙輶指處彩雲翔恩綸半濕
金泥字宮錦微聞玉署香已遣蛟螭歸約束自將
忠信任舟航從今寶曆綿悠久喜見離明照萬方

李廷龜

重漢江樹曳練光浮啼鶯曉和天雞唱高閣遙連海
蜃樓極目登臨何所恨壯懷時復攬吳鉤

次韻

金 湜

何必尋真到十洲一方風景座中收危欄不受遊
塵雜碧岫平看遠勢浮河朔豈惟堪避暑神仙元
自好居樓最宜山雨霏霏處繡額重簾半上鉤

李廷龜

飛閣岩峩近十洲滿城佳景望中收天連極北歸
心遠簷對終南霽色浮仙樂悅聞緱氏嶺胡床如
坐庾公樓陪歡且待清宵月莫遣重簾早下鉤

夕今

擬陪兩大人歡賞於
此樓末句敢申下情

恭謁聖廟有紀

姜曰廣

數仞宮牆繞碧梧衣冠俎豆漢規模車書運際中天
日絃誦聲連魯國儒遺範千秋人振鷺熙朝四海道
乘桴泮林會取鶚音變共仰臨雍頌聖謨今上登極
未幾卽幸
國學故末
致揚厲焉

次韻

金 湜

德衰祥鳳不棲梧百世徒然仰範模昭代祇今尊
聖學陋邦猶自重文儒優優縟禮存邊豆翼翼黌
堂儼棟桴忽見皇華停玉節揄揚大筆媲三謨

李廷龜

杏壇濃綠匝庭梧聖廟元同大國模一域絃歌當
盛際百年涵養幾真儒斯文未墜天將鐸吾道其
衰海欲桴何幸兩仙畱綺語壁間輝映總嘉謨

議政府左叅贊金尚容

古壇文杏映青梧黌舍菁莪見舊模須信八荒遵
聖教莫言千載少真儒道從函丈畱方策人在仙
槎想海桴宇宙相傳唯此理危微心法揭虞謨

知中樞府事吳允謙

河寂龍圖鳳斷梧天生尼聖作師模羣盲自此闕

長夜四海皆知重大儒廟食千秋陳俎豆墻高數
仞壯樑桴皇華駐節增光彩七字新詩合典謨

承政院都承旨李弘胄

高標落落氣魁梧杖節東來見懿模旋向辟廱瞻
聖廟却臨黌舍會羣儒存神景仰壇邊杏道泰何
煩海上桴宇內卽今文教遍家家詩禮誦嘉謨

同知成均館事鄭光績

朝陽聞說鳳棲梧聖廟來儀想範模詩陋蘇黃雙
學士道尋鄒魯兩鴻儒皇恩日出東方眷玉節
非貪北海桴前席久虛仙馭返帝心延佇聽訐

謨

成均館大司成金德誠

尼丘元氣萃庭梧魯泮環依壁水模香案奉綸官
太史杏壇申敬禮真儒九苞快覩人中鳳萬頃難
畱海上桴屬國風謠如可采衮衣歸日贊嘉謨

謁孔子廟

王夢尹

仰止肅肅數仞宮雞林喜見杏壇崇高懸日月容光
照永配乾坤覆載功海上魚龍沾化雨江邊桃李逗
春風稔知聲教通無外不必居夷道始東

次韻

金湜

璧水逶迤繞泮宮兩楹宏制此穹崇闡揚至道三
王後啓發羣蒙百世功裨海已同宗聖教偏邦亦
自振文風儒仙一過增光彩天上奎星正在東

李廷龜

數仞墻連一畝宮千秋典禮百王崇偏荒亦解遵
華制狂簡猶知作聖功泮壁遠通洙泗水冠童皆
挹舞雩風天仙此日畱佳什絃誦行看遍我東

金尚容

威鳳翩翩戾泮宮隆師爭覩禮儀崇薰人德宇芝
蘭氣琢玉清詩造化功自幸此生叨奉袂不知何

謨

成均館大司成金德誠

尼丘元氣萃庭梧魯泮環依壁水模香案奉綸官
太史杏壇申敬禮真儒九苞快覩人中鳳萬頃難
畱海上桴屬國風謠如可采衮衣歸日贊嘉謨

謁孔子廟

王夢尹

仰止肅肅數仞宮雞林喜見杏壇崇高懸日月容光
照永配乾坤覆載功海上魚龍沾化雨江邊桃李逗
春風稔知聲教通無外不必居夷道始東

次韻

金湜

璧水逶迤繞泮宮兩楹宏制此穹崇闡揚至道三
王後啓發羣蒙百世功裨海已同宗聖教偏邦亦
自振文風儒仙一過增光彩天上奎星正在東

李廷龜

數仞墻連一畝宮千秋典禮百王崇偏荒亦解遵
華制狂簡猶知作聖功泮壁遠通洙泗水冠童皆
挹舞雩風天仙此日畱佳什絃誦行看遍我東

金尚容

威鳳翩翩戾泮宮隆師爭覩禮儀崇薰人德宇芝
蘭氣琢玉清詩造化功自幸此生叨奉袂不知何

日更趨風千秋壁上紗籠在畱與高名滿海東

吳允謙

天上文星下泮宮萬方聲教見同崇沾濡雨露生
成澤鼓舞鳶魚化育功絳帳晝閑芹水日錦袍春
動杏壇風諸生不分承嘉誨絃誦從今滿海東

同知成均館事徐 涪

濟濟青衿擁泮宮爭看雙鳳下穹崇文星垂象宣
文化聖教求蒙誨聖功四海車書同軌躅百年絃
誦荷 皇風春從座上薰多士始覺乘桴道已東

鄭光績

前星耀彩奉天宮率土歡聲泰華崇將命還宜觀
海壯歸朝應有濟川功停輶闕里溫如玉落筆騷
壇穆若風從此菁莪多吉士自緣文教漸吾東

李弘胄

古檜陰陰護泮宮絲簧千載道逾崇欲知魚躍鳶
飛興須看存神過化功却喜使華留寶什更教文
物入王風臯比緒論驚多士爭道于今易已東

金德誠

皇華影照素王宮喜見尊師禮甚崇筆絕麟經何
害道化如時雨不知功入門若奉參乎教列侍猶

聞點也風芹藻蒲池皆動色爲緣文命最漸東

登漢江亭

姜曰廣

祥開辰極北人在海天東萬壑潮聲滿千山旭照紅
凌煙懷壯志把酒論英雄漢德威方盛無煩詠大風

次韻

議政府石議政申 欽

涓流莫言小萬折必朝東甲觀光凝紫咸池日浴
紅軍恩孚海域持節降文雄大雅今方盛泱泱有
古風

金 塗

亂岫青溪北平波栗島東薄雲初散纈殘日欲收

紅宇宙登臨迴山河氣勢雄蘭臺有詞客應賦楚
王風

李廷龜

小國惟山水茲亭擅我東遺墟苔遍綠餘燼土畱
紅一語名仍勝千秋地更雄登臨不盡興便欲御
泠風

華侍讀題亭扁曰東國第
一江山故五六句及之

吳允謙

境接三山外槎通萬國東皇華香案吏古調滿江
紅峽與詞源壯波隨筆勢雄一樽談笑處霽月與
光風

戶曹判書金蓋國

三島知何處人傳在海東
虛無鰲岫碧搖蕩日輪
紅座上詩情逸樽前筆勢雄
憑欄清興發掛席駕
長風

李弘胄

縹緲登霞背扶桑笑指東
席吹江浪白袍纈海雲
紅宇宙胸襟豁山河地勢雄
仙舟萬里興天借一
帆風

知中樞府事鄭經世

湖山閑表裏景物眩西東
瑞錦披紋纈霞觴瀉液

紅禮容叨賜款襟抱欲矜雄更賞瓊瑤贈洋洋海
岱風

兵曹叅判趙希逸

聲名仰斗北符采照天東虹玉橫腰重麟袍纈眼
紅江山千古勝文字幾人雄不待觀周去先聞大
國風

吏曹叅判張維

華盖星辰上仙槎渤澥東亭臨蛟窟黑波映獸袍
紅自得江山助應添筆翰雄儘多梁苑客誰賦楚
宮風

同知中樞府事金尚憲

綺席臨江曲蘭橈傍渚東晴沙望更白夕照歛猶紅
地理山河壯襟懷氣象雄歸鞍待明月高嘯倚長風

遊漢江

姜曰廣

浪作皇華使來成赤壁遊苔連崑崙起樹抱曲江流
煙破移舟入霞殘帶釣收挹波情不盡餘恨共悠悠
其二

中流華舫下來岸暮蟬喧落照疎林影明沙暎水痕
乾坤旌節壯歲月酒杯存倚檻高歌起天風撼海門

次韻

申欽

麗日華筵敞
叨陪江上遊
百年今勝事
千古是風流
璧月琉璃淨
晴霞錦綺收
黃昏且容與
蘭檻下悠悠

祥風迎綵鷁
鼓角夾江喧
月上波生灩
潮歸渚有痕
形忘歡已極
目擊道猶存
盡日陪仙馭
何勞學美門

金湔

幸忝雲霄客
還同汗漫遊
日斜平楚遠
天濶大江流
醉帽歆難整
吟眸縱不收
瑤臺他夜夢
回首兩

悠悠

立馬前峰暝撐舟下瀨喧江清畱月色潮上沒沙
痕勝事不常有古人誰復存歸途笳鼓競燈火照
千門

李廷龜

漢水流終古天仙幾此遊百年畱物色今日最風
流筆下洪濤起樽前暮景收却愁雲雨散星斗望
悠悠

出郭纔迎爽漁梁且夕喧江雲含雨意汀草帶潮
痕可耐清遊散空餘勝跡存仙舟知己忝布鼓又

雷門

吳允謙

夙駕排雙節仙舟辦一遊地窮平野斷天遠大江
流魚鳥機還狎瓊琚散不收白頭陪席次銜感恩
悠悠

簫鼓中流競回舟擊汰喧渚清星動暈沙白月流
痕海外名區在人間樂事存預愁高會散怱悵望
龍門

金蓋國

暇日陪雙鳳名區辦一遊山臨渡口斷江入海門

流賓館誠非遠仙帆且莫收眼前今古意觀水嘆
悠悠

桂棹移蘭渚笙歌晚更喧潮平山落影雲盡月無
痕侍坐歡情洽相看厚意存平生願一識今幸托
龍門

李弘胄

雙鳳翔千仞來成鏡裏遊偏邦瞻繡袞率土慶虹
流秉燭宵光徹移舟暑氣收歸時應有月莫怕路
悠悠

落日船宜泛微風浪自喧江涵青嶂色月破暮煙

痕形勝千秋迹英雄幾箇存清遊逢此夕吾亦忝
龍門

鄭經世

爲向江神道他年記勝遊殊方瞻使節末跡仰仙
流卷幔波光動停撓夕氣收只愁雲雨散清賞望
悠悠

鮫室疑相逼鷗羣故不喧日沉紅自暈波定綠無
痕異境真仙會華筵盛禮存鰕生亦何幸攝袂到
龍門

趙希逸

皇華宣 詔後乘興辦清遊
落日放船去長江連
海流玉觴深更倒珠唾
寶堪收一夢瑤臺會仙緣
悵謬悠

船上錦筵敞船頭黃帽喧
暝和煙共色波與月同
痕江漢風流近礚溪事
業存莫言今異昔何幸忝
登門

張維

輜軒趁暇日彩舫作清遊
客自蓬萊到江如章貢
流煙波望不極霞鷺景曾收
定有鄉關思天涯轉
覺悠

蘭橈催更緩簫鼓咽逾喧月吐波相漾潮廻岸有
痕風雲高興愜江漢大名存媿乏雙金重叨登九
級門

金尚憲

暇日逢佳會天公借勝遊高標自清絕樂事更風
流謠俗詩中採山川賦裏收却愁仙馭返離恨獨
悠悠

水鳥驚船避漁人得雋喧波生酒杯灩潮落岸沙
痕樂極情兼盡心通道自存醉來乘月去却似過
吳門

遊漢江

王夢尹

山自岧嶢水自淙晴波西望樂朝宗沙鷗幾點棲煙渚鴻鵠雙騫度晚峰詞客操觚競繡虎游人擊楫欲屠龍相從喜有鄒枚在把酒徵歌興愈濃

其二

樓船簇錦俯鮫宮簫鼓聲喧勸碧筒山海圖從江上列風雲氣向坐中通乘槎自醜凌霄漢對酒人矜飲玉虹明月南薰生渡口無端僕馬苦匆匆

次韻

申欽

斜曳仙舟遡去淙風流千載覩林宗微煙乍捲露

遙渚孤月欲生看碧峰北極恩波涵際海西來紫
氣望猶龍輸將物色歸陶寫筆下還應五彩濃
蘭橈昨泛水仙宮清曉傳詩喜有筒義分一投知
莫逆藩音休恨未相通高標拔俗人如玉麗藻盈
牋氣似虹勝事百年逢此日歸軒何用太匆匆

金堊

控引滄溟納衆淙江河之大此爲宗牽風錦纜沿
芳渚閃日朱旗遶碧峰賓主百杯傾綠蟻笙歌十
部舞潛龍清遊悅若驂鸞鶴不必靈仙道氣濃
蘭檣蕩漾水仙宮遶座繁絃和竹筒樹色平分洲

勢遠潮聲直與海門通
新篇脫手詞摘錦豪興撩
人氣吐虹莫怪當筵便惆悵
世間離合劇匆匆

李廷龜

縹緲高臺瞰碧淙
百年佳境屬詞宗
鷗邊晚色明孤浦
雲外晴光露數峰
彩筆揮時看吐鳳
綺筵開處忝登龍
休嫌入夜微涼透
和氣薰人似酒濃

肩輿容與出南宮
詞客輕裝只竹筒
故晚江行遲月上
更催船掉趁潮通
當筵揮麈談霏玉
倚醉摘毫氣吐虹
勝賞蠶頭有明日
今宵歸興莫匆匆

兩大人乘晚出漢仍欲舟下蠶頭潮
退未果帶月而歸亦勝事故紀實

吳允謙

萬古滔滔大壑淙天慳異境付詞宗蘇仙賦待黃
岡壁謝眺才宜太華峰執轡邇來榮附驥同舟况
復幸登龍休將蠟炬催歸路帶月笙歌興轉濃
仙舟晚過水晶宮爛熳耶筒雜釣筒蓬島玄壺何
處是銀河赤岸望邊通風流競覩雙飛鳳意氣遙
凌萬丈虹只愛錦囊添物色肯教遊賞太匆匆

金蓋國

臺山萬壑碧淙淙千里遙遙入海宗地折西南鋪
大浸天浮日夜聳奇峰登臨悅馭雲中鶴笑語頻

驚水底龍終古使華延賞處莫言歸意粥如濃
二星辭下紫微宮 丹詔封緘白玉筒汾晉名儒
官以諫青齊華胄籍仍通胸襟共說清如水文采
爭看燁似虹此日同舟難再得明朝告別太匆匆

李弘胄

學海濤翻大壑淙三韓物色屬詞宗觥心玉蘸孤
輪月波底青搖萬點峰詩罷江山隨几席酒酣歌
嘯起蛟龍輕煙乍羃歸時路水墨屏閑淡又濃
清新詩律中商宮萬口喧傳不用筒仙路莫愁丹
極遠江流元與絳河通興飛蓬島船催鷁筆落滄

洲氣吐虹此會真成他日夢別離無奈劇匆匆

鄭經世

山益清竒水益淙陋邦顏色爲詞宗座中笑語陽
和氣眼底毫芒太華峰半日勝緣先覩鳳百年無
路再登龍何方可慰相思夢滿紙新詩墨色濃

絳節遙從太乙宮紫霞靈液滿郛筒神遊牛斗橫
邊穩眼向江山盡處通筆下千篇浮綵蜃匣中雙
劍吐青虹名區勝賞天應借此日歸心可許匆

趙希逸

詞源倒峽瀉淙淙爭道文聲一代宗好向滄江移

綵節正看晴月上遙峰帆檣穩送交飛鳥簫管哀
鳴舞卧龍入夜未闌沿邇興醉中歡趣十分濃
儒仙詩律協商宮沿路篇章幾滿筒勝境已將心
有會歡情不待語相通酒腸得月陶瓊句江氣連
毫射白虹風馭欲歸聊暫住莫教騶道競匆匆

張維

錦纜徐牽蕩碧淙仙標暎座集詞宗潮分海色迷
前浦鳥帶嵐光過遠峰落筆風雲生顧眄滿船簫
鼓駭魚龍微涼斗覺纖絺薄綠酒休辭盞面濃
牙檣影落水仙宮白紵歌催酒滿筒人自清都五

雲至地將方丈十洲通迎風岸幘波如纈倚醉揮
毫氣吐虹好向東山看月出暫停芝蓋莫匆匆

金尚憲

洪源遙匯百泉淙東國江湖此正宗楊浦煙波通
一帶冠山晴影落千峰仙遊選境揚文鷁樂侶娛
筵舞水龍清興晚來同爛熳酒香無限入唇濃

水名冠
嶽山名

仙曹詞望重南宮萬口傳詩不用筒紫府班中名
獨出春風座上意先通清江乍泛心如鶴彩筆頻
提氣吐虹佳會此生應不再暫時畱賞莫匆匆

登漢江亭

王夢尹

欽岑水際鬱菁蔥萬里雲山指顧中
堤柳吹花喧燕雀晴江散雨立魚龍
西山爽氣長安日東海雄才大國風
持節愧無司馬賦登高何以答羣公

次韻

申欽

衆嶽南來競鬱蔥江流奔劈兩厓中
煙收遠潏移蘭棹笛奏華筵撼窟龍
夜短莫嫌銀燭跋船頭不恨石尤風
偏荒生晚何須嘆得御猶能及我公

金堃

三尺腰間劒拂蔥紫霄仙客此亭中
地形恍若攀

黃鶴颺馭冷然駕白龍座上儀容瞻玉樹筆頭詩
句灑清風他時勝事真堪詫何幸疎慵躡二公

李廷龜

漢江佳氣晚蔥蔥縹緲仙舟在水中

詔下丹霄

翔綵鳳詩成滄海泣驪龍樽前直待三更月腋下
如憑萬里風此去銀河應咫尺不煩身跨赤鯁公

金蓋國

漢山佳氣鬱蔥蔥漢水湯湯杳靄中無限煙雲看
去鳥有時風雨聽吟龍平生願識真非分今日陪
遊忝下風勝會轉頭還作別欲將離合問天公

李弘胄

山河表裏氣蔥蔥
城市江湖在眼中
旌節自天人
似玉笙歌夾路馬
如龍船移別浦鳴
輕櫓月出空
林颺晚風何幸小
邦蒙帝眷百年今日
奉明公

鄭經世

有瑯珩珮綠如蔥
一笑心親氣槩中
賸使陋邦看
綵鳳定知明主好
真龍移舟去向凌
歊地永夕
披承解愠風誰遣
別愁來酒席鬢邊
添雪爲吾公

趙希逸

山川佳氣望蔥蔥
摸入詩仙秀句中
操潔黃金同

瓦礫才奇赤手捕蛇龍
高亭敞幕山嚙日別浦移
舟浪拍風酣興此時成一
笑漁人爭薦赤鯁公

張維

華裾相映翠如蔥
心醉仙標醞藉中已傍危亭開
畫鷁更教橫吹起潛龍
樽前欲攬三山色檻外堪
招萬里風佳境會須煩藻
飾百年煙景屬明公

金尚憲

湖山佳氣夕蔥蔥
綺幕瓊筵落照中梁苑賓遊遜
枚馬虞廷冠蓋輟夔龍人高
悅在三神島地爽長
吹萬里風江漢謾曾傳勝
事只今誰復數山公

山雨樓紀懷

姜曰廣

巍樓望斷水雲連風景何緣到客邊
鮫泣珠寒明月夜鳥愁煙合艷陽天
山川有恨人爲客歲月無情海亦田
爲喜高朋時滿座暫將歸思付樽前

次韻

金堃

複閣層楹勢接連半庭濃綠曲欄邊
誰知城市三條路別有神仙一洞天
剩把詩篇畱鰈域能教玉價重藍田
孤懷可待成追憶祇是離筵在目前

李廷龜

縹緲飛甍霄漢連倚欄人在五雲邊
路經蓬海三

千里夢繞爐煙咫尺天睡罷清香圍燕寢詩成美
玉出藍田知公不淺南樓興良覲何由數近前

遊楊花渡

姜曰廣

楊花渡口好風輕一片平沙映水明嵐散亭高蠶嶺
色雲流樹出漢江聲遙疑天盡頻弢劒細問山名數
舉觥海外亦存知己侶相逢盡日笑談傾

次韻

申欽

向晚南風畫舫輕蘭橈漾漾遡空明斗邊暫輟紫
微座海外爭傳白雪聲契托自知同附驥歡深不
覺更浮觥人生落地皆兄弟肝膽如今許盡傾

金 湜

長風穩送錦颿輕沙水玲瓏兩岸明山色遠分煙
雨氣樞謳交雜管絃聲名區勝槩輸新句密席清
歡倚巨觥且待東峰晴月上莫愁殘日欲西傾

李廷龜

撥忙郊路小輿輕鷗鷺驚飛眼忽明日射海門帆
有影沙平江岸水無聲詩當得意頻拈筆興到忘
形不數觥佳句猥承知已許百年肝膽片言傾

吳允謙

竿纜徐牽鷁首輕霞裙交暎貝宮明奔岡削面平

開障別浦吞潮殷有聲陋質自慚攀玉樹高懷還
許續瓊觥千年勝事從今詫天上奎文海外傾

金蓋國

長風穩送一帆輕斜日平沉兩岸明蘸水樓臺連
樹影沸天歌管雜江聲皇華逸興揮神筆賤子歡
情酌兕觥臨別慙慙多少語不堪重憶淚河傾

李弘胄

煙波浩渺一帆輕落日殘霞片片明山影斜連蠶
島影江聲半雜鳳簫聲蘇仙豪興遺斯世河朔風
流酌彼觥只恨勝遊難再得百年長是寸心傾

鄭經世

中流綵舸倚風輕
兩岸平沙過雨明
野服款承仙子袂
水禽時和珮環聲
江山滿眼那容畫
情興催詩不用觥
最是三生夙緣語
無端別淚數行傾

趙希逸

晴波搖蕩畫船輕
亂嶠西邊日脚明
危壁挿江看瘦骨
晚潮歸海聽寒聲
沙禽不下驚龍節
仙侶忘回醉兕觥
說到前緣偏有感
片時情惘荷相傾

張維

落日微風彩鷁輕
殘霞如綺蘸波明
千尋石壁巉

巉骨萬古江流哀哀聲人世懽悰須秉燭天涯物
色入飛觥都將別後無窮意共向樽前細細傾

金尚憲

西郊十里馬蹄輕路盡江頭豁眼明錦席迥臨鷗
鷺渚玉簫高引鳳凰聲詩材入案都供筆酒令添
籌幾洗觥陪賞幸蒙知己託坐中肝膽揔相傾

月夜坐皆春亭

姜曰廣

萬里孤高月相依亦遠行初生如屢望漸過不勝情
露濯雲俱淨煙浮樹欲明櫺疎花影亂酒醒客衣輕
蜃氣凝鮫淚天香落杵聲鄉心愁絕處天際鴈哀鳴

次韻

金 湜

天涯今夜月千里伴人行圓缺還多事徘徊若有
情稍隨銀漢轉偏向綺筵明燭影微微見螢光點
點輕簾疎涼欲透風靜露無聲何處移棲鵲杳杳
遶樹鳴

李廷龜

獨夜危樓坐長天片月行百年爲客恨千里望宸
情簾幕初生影衣巾漸覺明微微風緒薄滴滴露
華輕司馬凌雲氣興公擲地聲啁啾應一掃雙鳥
未休鳴

登蠶頭峰有感賦一律併似同遊諸君子

姜曰廣

層崖壁立恍凌虛張幕登臨四望舒燕闕五雲高氣
象王圖萬里共車書同仇未許遼東豕託國寧忘大
海魚樽俎折衝饒妙筭虜氛何以迅風除

次韻

申欽

翠律高峰切紫虛暖煙平楚望中舒湖山已入真
游地雲物都歸彩筆書自是普天同化日那知遼
海有鯨魚吳鉤試拂霜花鏑豪氣崢嶸老未除

金堃

鰲頂岩嶢切太虛倚風雲幔卷還舒清湖合有郎

宮號翠壁仍畱太史書異境幸叨攀鶴馭壯懷還

欲斬鯨魚江山勝槩皆洪造氛侵當年賴掃除戶祁

部曾遊此地有舟向楊花渡口橫之句至今傳聞故第三句借使太白郎官湖之語往在壬辰歲小

邦酷被倭寇之禍賴王師蕩掃保有今日故落句及之

李廷龜

雲幕高塞入碧虛長風岸幘曠懷舒清遊宛對屏

間畫勝迹猶看石上書是日舟過仙遊峰訪老去

才情隨退鷁醉來歌嘯聳潛魚遼天極目妖氛豁

歸趁仙班賀玉除

吳允謙

雲幕翻波動水虛蘭舟搖曳彩旗舒金鰲浪蹴仙人闕砥柱苔深學士書萬里江湖畱鳳鵠一篇瓊玖洗虫魚宮袍狎座天香襲却訝微蹤近玉除

金藎國

千尺危峰挿太虛高張雲幕鳥飛舒停舟數問楊花句傍岸還尋砥柱書殘日欲沉聞叫鶴暮潮初上看跳魚百年勝會應難再滿酌流霞不用除

李弘胃

高張錦席似憑虛回望江雲卷復舒人道鳳麟臨

下界詩成珠玉在中書添籌更進算筒酒舉網爭
看丙穴魚此日清遊天所借盡將塵慮入消除

鄭經世

共御冷風跨太虛平郊更值月光舒楊花竹葉徵

佳句是日席上正使大人誦祁戶部人從竹葉杯中醉舟向楊花渡口橫兩句砥柱丹

崖訪大書仙遊峰石崖有未學士砥柱二字明日便成千里別他

年誰寄一雙魚相看脉脉愁如海雖有清尊不可

除

趙希逸

蠶峰斗起影涵虛一水中分到此舒勝蹟合求輿

地志名詩應入石渠書喜逢周雅鳴剛鳳何數遼
洋跋浪魚前後 帝恩慚未報腥塵誰與掃全除

張維

簫鼓嘈嘈殷太虛憑高未覺壯心舒遼河此日纏
妖氣魏闕何時奏捷書鳥解報仇聞義鶻人看濡
沫媿窮魚江流本自朝宗去萬國風雲拱玉除

金尚憲

縹緲危巔切碧虛坐來披豁倦懷舒山川地理吳
都賦風俗民居越絕書壯觀可誇東海若歸心休
憶武昌魚邦人感激 皇恩重好採邊情達玉除

遊楊花渡

王夢尹

畫舫洄游古渡頭一聲簫鼓起眠鷗
楊花落盡春歸急笑採菱華當酒籌

其二

渡口雲飛帶晚潮松濤山外共風遙
濤聲似與潮爭勝一派歸心望斗杓

次韻

申欽

誰將歸鷁劈波頭恐有波心雙白鷗
山日欲沉江月上離觴休怪亂無籌

浦口風來欲上潮平波極目海門遙
傷心此會知

難又別後長瞻
帝座杓

金 湜

亭亭斜日掛山頭
桂棹中流隨白鷗
清興未闌還秉燭
不妨畱醉錯觥籌

醉來雙頰暈紅潮
岸幘長天入望遙
行樂異時歸一夢
空畱名字仰星杓

李廷龜

金狨簇馬暮江頭
渺渺煙波點點鷗
十里香塵森火樹
不妨歸路犯更籌

湖水元通渤海潮
朝宗應接玉河遙
長風穩送仙

三集
槎返不待秋期轉斗杓

金盞國

仙舟泊近暮江頭錦纜徐牽起白鷗陪賞壯遊清
興足酒杯無數不須籌

長風趁夕捲寒潮箇箇征帆漸見遙耽賞不嫌歸
路暝仰看天北斗回杓

李弘胄

楊花渡口是蠶頭沙白江清集鷺鷗陪得玉人遊
竟夕月明歸路報更籌

投金江接海門潮天水茫茫入望遙高興未闌仍

秉燭月移帆影斗回杓

鄭經世

却嫌簫鼓咽江頭
欸欸移船近白鷗
晴月上山歸路直
不妨持酒待更籌

停舟渡口送歸潮
日下長安望更遙
天上幾時趨玉陛
人間空復仰璇杓

趙希逸

聯鞍列炬簇沙頭
點點波心颺白鷗
微月欲生風馭返
城鍾初動遞更籌

汀莎欲浸暗生潮
弱纜徐牽水國遙
清讌未終歸

思促北辰今見幾回杓

張維

潮聲欲落暮江頭彩鷁沿洄趁白鷗無限月華牽
逸興不妨歸路聽更籌

興闌惆悵送歸潮天路茫茫破浪遙碧海東來近
蓬島紅雲北望指璿杓

金尚憲


草香沙暖暮江頭搖漾晴波沒白鷗清興別懷俱
不盡醉歸更漏報三籌


雲歸天上水歸潮此地分襟後曾遙屈指海槎升

漢日井梧初落斗回杓

尚憲七月將朝京
謝恩故第三及之

皇華集卷之四十五終





世

田